

TOPOLLO LE PHOLOHO

Lenane-thuto

Notes

—

KAROLO #1:

- I. Selelekela.
- II. Pholoho:
 - A. Lintlha-tsa-ntlha tse Supileng tsa Thuto-Molimo ka Pholoho.
 - B. Karabelo ea motho Mphong ea Pholoho.

KAROLO #2:

- II. Pholoho: (Nts'etso-pele.)
 - C. Metheo ea Pholoho.
- III. Topollo:
 - A. Selelekela sa Topollo.
 - B. Adama: Motho oa 'nete Historing.

KAROLO #3:

- III. Topollo: (nts'etso-pele.)
 - C. Botho ba Adama oa Pele, le oa Bobeli.
 - D. Krete e le motho ka botlalo.

KAROLO #4:

- III. Topollo: (nts'etso-pele.)
 - E. Krete ea Lekuoeng kahohle, empa a Sena Sebe.
 - F. Mofuta/Mokhoa oa Topollo: Lebaka leo Krete a fapaneng le Adama oa Pele ka Lona.
 - G. Litholoana tsa Topollo: Puseletso, Tlholo, Phetiso.

KAROLO #5:

- III. Topollo: (Nts'etso-pele.)
 - H. Boholo le bokhabane ba Krete bo fetisang Adama.
 - I. Krete: Hlooho ea Moloko o Lopolotsoeng.
 - J. Qetello ea Thuto;
Tlhahlobo.

TOPOLLO LE PHOLOHO

Notes

Tlhahlobo

Lipotso tse ka lebelloang, Limaraka li 20

- 1) Bolela o be o hlalose Lintlha-tsa-ntlha tse supileng tsa Thuto-Molimo ka Pholoho (leq. 196).
- 2) Sebelisa khutsufatso ena ea mantsoe “KTT” ho hlalosa moelelo oa ho lumela (leq. 198).
- 3) Bonts’a kamoo Krete a fapaneng le Adama ho hlalosa mokhoa oa topollo (leq. 212, 213).

Lipotso tse ka lebelloang, Limaraka li 10

- 1) Khetha tse peli tsa Lintlha-tsa-ntlha tsa Thuto-Molimo ka Pholoho, o nto hlalosa hore na li amana joang le pholoho (maq. 195).
- 2) Ka lipolelo tse peli kapa tse tharo, hlalosa hore na ho bohlokoa ha kae ho ts’oarella histori ea Adama (leq. 202, 203).
- 3) Sebelisa Mangolo a mabeli ho ts’ehetsa thuto ea sebe sa tlhaho (leq. 205).
- 4) Jesu o ile a ithuta kutlo joang? Sebelisa Lengolo ho ts’ehetsa karabo ea hau (leq. 209).
- 5) Bolela litsela tse tharo tseo Adama oa Bobeli a fetang tsa Adama oa Pele ka tsona, ka ho phethahatsa merero ea Molimo ka motho (ha ho tlhokahalo e kaalo ea Mangolo; leq. 215, 216).
- 6) Bonts’a tsela e le ngoe eo re bonang ho fetisa le bokhabane ba Adama oa Bobeli papisong le Adama oa Pele (leq. 217).

TOPOLLO LE PHOLOHO

I. Selelekela.

Notes

Mohlala oa Sengoli:

Mohlankanyana e mong o ne a phela pel'a leoatle. O ne a rata likepe. O ne a li shebella kamehla ha li tsoa leoatleng. Ka tsatsi le leng, o ile a qala ho haha sekepana sa hae. O ile a sebetsa matsatsi a ts'eletseng. Qetellong a phethela seo a neng a se haha. O ne a tatetse ho se kenya ka metsing. Hang ha a beha sekepe sa hae ka metsing, moea oa fokela nqa e ngoe. Moea o ile oa se fefolela hare ho metsi, hoo se ile sa ba hole-hole le lebopo. Mohlankanyana o ile a qala ho bokolla. Letsatsing ka leng, o ne a ea moo lebopong moo a ileng a se lokollela teng ho bona haeba se le teng. Empa ha a ka se fumana. Ka tsatsi le leng ha tsamaea toropong, o ile a bona sekepe seo ka lebenkeleng ka festere ea lebenkele. E ne e le sekepe sa hae se ileng sa lahleha. O ile a mathela ka lebenkeleng, a bolella ralebenkele hore ke sekepe sa hae. Ralebenkele o ile a 'molella hore a ke ke a se fumana ntle le hore a se lefelle M100. Mohlankanyana eo o ile a etsa khang. Empa qetellong o ile a se lefella. O ile a patala chelete eohle eo a neng a na le eona. Mohlankanyana ha a tloha lebenkeleng moo le sekepe o ile a re, **Sekepana, u oa ka habeli. U oa ka hobane ke u entse, empa hajoale u oa ka hobane ke u rekile.** Molimo o re entse. Hape o patetse tefo e holimo ho re khutlisetsa ho Eena. Hona ke eona pale ea topollo le pholoho.

Beha mohlala oa hau

TOPOLLO LE PHOLOHO

Notes

A. Khubu/Pelo ea Bokreste.

1. Ho tloha nakong eo Adama a neng a oela sebeng ka eona serapeng sa Edene, Molimo o bile le morero o le mong feela bakeng sa motho. O bitsoa morero oa topollo le pholoho.
 - a. Ts'enolo ea morero oona, e bonoa Bibeleng ho Gen 3:15 ho isa ho Ts'en 22:14.
 - b. Ke setlamo se ts'oarellang Bibe le 'moho. Ke khaeho eo e leng motheo oa thuto-Molimo ka kakaretso.
 - c. Topollo le Pholoho ke lihlooho tsa mantlha tsa Bibe le.
2. Pholoho ke sehlohlolo bakeng sa motho le Molimo. Batho bohle ba lokela ho pholoso. Molimo o batla hore batho ba boele ba pholoso (1 Tim 2:4; 2 Petr 3:9). Ka baka la manoni a eona, e le motheo oa likarolo tsohle tsa thuto-Molimo, thuto ea pholoho, ba bangata ba e bitsa "ntat'a-moholo" oa thuto-Molimo.
3. Topollo ke moralo oa pholoho. Ke mokhoa oa Molimo oa ho tliša Pholoho.

B. Lintlha tse tla ts'ohloa thutong ena.

1. Re tla fana ka boithuto bo akaretsang ba pholoho. Hona ho tla fanoa ka mokhoa o mokhuts'oane e le ho re hlophisetsa boithuto bo batsi ba chalimo ea topollo.
2. Re tla ithuta ka topollo re sekametse haholo ho Krete e le Adama oa bobeli. Ka boithuto bona re tla fumana kutloisiso e batsi ea seo topollo e se kenyeletsang, hobaneng e ne e hloka hala, le kamoo e fihletsoeng kapa ho phethahatsoa ka teng.

TOPOLLO LE PHOLOHO

II. Pholoho.

Notes —

A. Lintlha-tsa-Ntlha tse supileng tsa Pholoho.

Maikutlo a Sengoli:

Pele, re tla sheba boleng ba pholoho ka ho bolela lintlha-tsa-ntlha tsa thuto-Molimo tseo e leng karolo ea thuto ea mofuta oona.

1. Topollo - moralo kapa mokhoa oa ho akofisa pholoho.
2. Tsoalo ea Bobeli – bonnete le matla a pholoho.
3. Poelano - lehlakore la kamano ea pholoho.
4. Tefelo- mosebetsi kapa tefo ea pholoho.
5. Tokafatso - sephetho sa molao sa pholoho.
6. Ho loka – boemo bo fumanoang ho tsoa pholohong.
7. Khalaletso - ke nts'etso-pele ea pholoho.

Ntlha ea Puisano

Sebelisa sets'oants'o se latelang ho akofisa puisano le ho pharalatsa kutloisiso ea lintlha tsena tse supileng tsa pholoho.

TOPOLLO LE PHOLOHO

Notes —

Ntlha	Tlhaloso	Mangolo	Tsela eo e fihletsoeng ka eona	Karabelo ea motho	Sephetho
Topollo	Ho khutlisa se neng se lahlehile	Tit. 2:14 Pes. 103:4 I Petr. 1:18 Bag. 3:13	Kreste e le Mohloli (I Bakr. 15:57)	Tumelo: ho lumela ho Molimo ea hlolang, a busang.	Nala; Ho busa; Katleho
Tsoalo ea bobeli	Ho khutlisetsa bophelong, ho fana ka bophelo bo bocha, ho tsoaloa hape	Johan. 3:3-6 Bae.2:1 II Bakr. 5:17 I Johan. 5:1 Bar. 6:4-11	Kreste e le Mofani oa bophelo (Johan.10:28; I Bakr. 15:45)	Tumelo: ho lumela hore Molimo ke mofani oa bophelo	Nchafalo; Phetoho; Qaleho e ncha
Poelano	Ho bopa khotso pakeng tsa lira	II Bakr. 5:19 Bar. 5:6-11 I Johan. 1:3	Kreste e le 'Moelanyi (Bah. 12:24)	Tumelo: ho lumela hore Molimo o re amohela kamoo re leng ka teng	Kopano; Khokahano; Kamano le Molimo
Tefelo	Ho hlakola molato ka sehlabelo sa bomolimo.	Bar. 4:6-9 I Petr. 1:19 Bah. 9:13-22 II Bakr. 5:21 Bar. 4:7	Kreste e le ea re emetseng, kapa e le Sehlabelo.(I Petr. 3:18)	Tumelo: ho lumela hore libe tsa rona li koahetsoe Pako: ka teboho.	Ho tlosoa ha molato; Ts'oarelo
Tokafatso	Ho hloekisoa molatong	Bar. 5:1,9 Bah. 5:9	Kreste a sena sebe (II Bakr. 5:21)	Pako: sebe sa rona se a bonahala, ha se patehe.	Khotso; Ho tlosoa ha khalefo
Ho loka	Ho ema hantle pel'a Molimo	Baf. 3:9 Bar. 10:1-10 Bae. 2:10	Kreste e le Mohlahisi oa rona (I Johan. 2:1)	Pako: ha re ntse re elelloa hore ha se ntho eo re ka e fihlelang	Sebete; Kamano; Ho halalela
Khalaletso	Ho hlakolisisoa le ho khethoa	I Bathes. 5:23 Baf. 2:12,13 Bar.8:29 Bah. 2:11	Kreste e le mohlala kapa mophethi oa rona (Johan. 13:15; Bah. 12:2)	Pako: ketsahalo e tsoellang-pele ea ho furalla sebe	Ho fetoleloa sets'oants'ong sa Kreste; Mesebetsi e Metle

TOPOLLO LE PHOLOHO

Maikutlo a Sengoli:

Ntlha e ngoe le e ngoe ea pholoho e thehiloe holima kutloisiso ea hore Jesu o lula ka ho molumeli ka Moea o Halalelang (Bag 2:20).

Hona ke mekhahlelo e 'meli ea karabelo ea motho pholohong:

- 1) Pako kapa ho baka;
- 2) Ho lumela (Mar 1:15).

Sets'oants'ong, re bonts'itse likarolo tsena bakeng sa ntlha ka ngoe ea pholoho. Leha ho le joalo, ntlha ka ngoe e kenyeletsa mekhahlelo ena ea karabelo.

Notes —

B. Karabelo ea motho mphong ea Pholoho.

1. Pako.

- a. Tlhaloso: **Ho tloha** ho tsa khale ho ea ho tse ncha, kapa ho tloha ho tse mpe ho fetohela ho tse ntle (Lik 3:19).

- 1) Ha se feela ho soaba (ho ikoahlaea).

- 2) Ha se ho ikutloa molato feela.

- b. Ts'usumetso: hobaneng ke lokela ho baka?

- 1) Ka baka la boteng ba Molimo le katamelano (Math 3:2).

- 2) Ka baka la molaetsa oa evangeli (bophelo, lefu, le tsoho ea Jesu).

- a) Sehlahisoa sa hoo Molimo a nketselitseng sona malebana le se ntokelang (Bar 2:4).

- b) Sehlahisoa sa hoo ke lokelang ho ho etsa bakeng sa Molimo malebana le se Molokelang (Bar 2:4).

- 3) Hobane ke batla libe tsa ka lits'oareloe (Lik 2:38;3:19).

TOPOLLO LE PHOLOHO

Notes

2. Ho lumela (Tumelo).

a. Tsebo.

- 1) E bohlokoa (Bar 10:17).
- 2) Leha ho le joalo, ha ea lekana bakeng sa ho fumana pholoho (Jak 2:19).

b) Kananelo.

- 1) Ho elelloa le ho ananela 'nete ea Evangeli. Hona ho lupa hore ho tla ba le kutlo.
- 2) Ho elelloa le ho ananela tlhoko ea Mosebetsi oa Kreste oa pholoso. Hona ho supa hore ho tla ba le ts'epo le boits'etleho bo feletseng.

c) Ts'epo.

- 1) Motho ha a ichebe, o sheba hole le eena (Lipro 3:5,6).
- 2) O shalima ho Kreste (Bah 12:2).
- 3) Lintlha tsena ka bobeli li bonts'a hore hona le kamano ea botho.

Maikutlo a Sengoli:

Ho hopola likarolo tsena tse tharo tsa “ho lumela” u ka iketsetsa khutsufatso ea KTT ho tsoa litlhakung tse qalang tsa Kananelo, Tsebo, le Ts'epo. Re ea elelloa hore hona ho ka 'na ha se etsahale lipuong tse ling. Hopola: ho lumela, u tlameha ho ananela, ho tseba le ho ts'epa hobane ho lumela ka 'nete ho lupa kutlo (Jak 2:17).

TOPOLLO LE PHOLOHO

3. Ho inehela.

- a. Karolo e bapaloang ke motho pholohong, ke ho amohela (Johan 1:12). Bakeng sa ho amohela, motho o lokela ho baka le ho lumela. Hore a tle a bake le ho lumela, motho o lokela ho inehela.
- b. O lokela ho emisa ho loants'a Molimo. Khubu ea pako le tumelo ke ketso ea boinehelo (Math 16:24, 25).

Notes —

C. Metheo ea Pholoho.

1. Hona le lintho tse 'ne tseo Molimo a lokelang ho li etsa pholohong.

- a. Ho tlisa Motho ho Eena (Johan 6:44).
- b. Ho tsoala motho bocha (Johan 3:1-5).
 - 1) Hona ho bolela hore motho o lokela ho **tsoaloa ho tsoa ho Molimo**.
 - 2) Bona kamoo Jesu a tsoetsoeng ho tsoa ho Molimo ka teng (Luk 1:35).
- c. Ho hlatsoa libe tsa Motho (Johan 13:5-10; Lik 22:16).
 - 1) Hona ho bonts'oa ka kolobetso ea metsi.
 - 2) Hlokomela kamoo Jesu a ileng a kolobetsoa (Mar 1:9).
- d. Ho fa motho matla a ho phela bophelo ba Bokreste (Lik 1:8; 2:38).
 - 1) O etsa hona ka ho kolobetsa molumeli ka Moea o Halalelang.
 - 2) Bona kamoo Jesu a ileng kolobetsoa ka Moea o Halalelang ka teng (Mar 1:10).


2. Mosebetsi oa sefapano le tsela ea sefapano.

TOPOLLO LE PHOLOHO

Notes

Ntlha ea Puisano

Ithute sets'oants'o sena o nto akofisa puisano.



a. Mosebetsi oa Sefapano (A ho isa D).

- 1) Hona ho kenyeletsa seo Jesu a ileng a lokela ho se etsa bakeng sa ka. Hona haho kenyeletse mosebetsi ea ka.
- 2) Taba-kholo e tsepame ho Krete.
- 3) Hlokomela kamoo thuto ea “pholoho ka mosebetsi” e neng e ka netefatsa hore motho ea shoeleng a ka hloa khohlo e pakeng tsa motho ea shoeleng le motho ea pholositsoeng.

b. Tsela ea Sefapano (E ho isa Z).

- 1) Hona ho ithutoa le ho etsoa ka tsoellopele le ka kholo.
- 2) Ka kotloloho, ho kenyeletsa ho jara joko ea Jesu le ho ithuta ho lumella Jesu ho phela ka ho uena (Math 11:29; Bag 2:20).

Ntlha ea Puisano

Phapano-kholo ke e fe pakeng tsa mosebetsi oa sefapano le tsela ea sefapano? Phapano ee e hlalohanya Bokreste le litumelo le lithuto tse ling joang?

TOPOLLO LE PHOLOHO

III. Topollo.

Notes

—

A. Selelekela.

1. Tlhaloso.
 - a. Joalokaha re ile ra bolela pejana, topollo ke moralo kapa mokhoa oa ho fihlella pholoho.
 - b. Ke ketsahalo ea ho khutlisa se neng se lahlehile.
 - 1) Ho lopolla ke ho buseletsa.
 - 2) Ke ho khutlisa kapa ho nka seo e neng e ntse e le sa hau sethathong.
2. Ho tloha ho Adama oa Pele ho ea ho Adama oa Bobeli (ho tloha lefung ho ea bophelong).
 - a. Tse ngata tseo Molimo a neng a li nehile Adama ho tloha sethathong, li ile tsa molahlehela(Adama) nakong eo a neng a oela sebeng serapeng sa Edene. Li ile tsa lokela ho buseletsoa. Jesu Krete, Adama oa Bobeli (1 Bakr 15:45), o tlile ho buseletsa tseo Adama oa Pele a ileng a lahlehelo a ke tsona.
 - 1) Bibe e hlalosa ts'eno ea pale ea topollo, ho qala ka bophelo ba Adama oa pele le tsohle tse ileng tsa latela ho fihlela bophelong ba Adama oa bobeli.
 - 2) Hoo ke hore, e senola pale ea topollo ho tloha lefung ho ea bophelong, kapa ho tloha tahlehelong ho ea puseletsong.
 - b. Paulosi o buile ka topollo ena ho 1 Bakr 15:20-26 le Bar 5:12-21 ha a ntse a haha hoo re ka ho bitsang thuto ea Adama-Kreste.
 - 1) Karolo e kholo ea thuto ena e tla shebana haholo le thuto eo ea Adama-Kreste ha re ntse re ithuta ka topollo.

TOPOLLO LE PHOLOHO

Notes

2) Boithuto ba rona bo tla kenyeletsa lintlha tse latelang:

- a) Bakeng sa hore Jesu a lokele ho ba Mesia, O lokela ho khutlisetsa (lopolla) batho tsohle tseo moloko oa botho o lahlehetsoeng ke tsona ka baka la ho oa ha Adama.
- b) Jesu ke Mophethahatsi le moakofisi oa morero oa Molimo oa mathomo ka motho. Kamano ea Adama oa Pele le Adama oa Bobeli, e ts'oana le kamano e pakeng tsa motho ea oeleng sebeng le motho ea lopolotsoeng.

Ntlha ea Puisano

Sheba pale ea “molopolli oa sehlooho” bukeng ea Ruthe (2:20; 3:2; 3:9-13; le 4:1-22).

Elelloa, hona ke mofuta oa Jesu, eo qetellong e tla ba “molopolli oa sehlooho” oa lefats’e lohle. Ka bokhuts’oanyane, bua ka mehlala e meng ea ntlha ena ea mofuta oa Krete Testamenteng ea Khale. Bohlokoa ba mofuta oa Jesu e Testamenteng ea Khale, e bonts’ang ts’enolo ea bomoso ea Jesu ke bo fe?

B. Adama: Motho oa ‘Nete Historing.

1. Litikolohong tse ngata tsa evangeli, Histori ea Adama ke ntho e seng e ntse e utloahala. Bible e ananeloa e le Lentsoe la Molimo le se foseng.
2. Leha ho le joalo, litikolohong tse ling tsa bolumeli, hona le maikutlo a bonts’ang hore Adama le Eva ha se batho ba kileng ba ba teng, histori ea Adama le Eva ha e ananeloe.
 - a. Ho ena le hore ba ananele pale eo e le lintho tse etsahetseng, ba toloka pale ena e le papiso, e leng ntho e sebelisoang ho ruta ‘nete ea Semoea.
 - b. Chalimo e ka holimo e re pale ea Adama le Eva ke “mohlala feela oa thuto”.

TOPOLLO LE PHOLOHO

3. Leha ho le joalo, khanyetso le botoloki bona ba pale ea Adama le Eva e hlalisa lithuto tse lahleng batho.

a. Haeba Adama oa pele e se motho a kileng a ba teng, ha ho le joalo na efela re hloka Adama oa Bobeli? Litholoana tse hlalisoang ke mokhoa oona oa ho nahana, li hlakile.

1) Qetellong boleng ba pale ea bophelo ba Jesu bo ka tlisa pelaelo ho batho ba mofuta oona.

2) Hape, mehlolo ea Jesu e ke ke ea ananeloa hantle.

3) Qetellong, Bomolimo ba Jesu bo tla belaelloa ke batho ba mofuta oo.

b. Ba ts'ehetsang thuto ea "mohlala feela oa thuto" ha ba bone karohano pakeng tsa sebe le ho etsoa ha lintho tsohle. Sebe le tlholeho li nkoa li atamelane.

1) Kahoo, sebe se nkoa e le karolo ea motho le tlholeho. Ke ntho e bopeletsoeng le motho.

2) Haeba hona e le 'nete, ho bolela hore Jesu a ke ke a khona ho emela boleng ba mathomo ba motho.

3) Hape, thuto ena e nyenyefatsa boikutlo ba motho ba molato ha a entse sebe.

4) 'Me hona ho tsoala phokolo ea pako, hona ho fokolisa pelo ea boipolelo, kahoo ts'oarello ea libe e ke ke ea ba teng.

5) Tsena tsohle, li hlalisa maikutlo a sa tsotelleng bophelo ba Jesu le topollo eo a e fanang.

Ntlha ea Puisano

Na u elelloa kamoo khanyetso ea bophelo ba Adama e nyenyefatsang mosebetsi oa Mopholosi oa rona ka teng? Araba lipotso le maikutlo a ka boetseng a hlaha malebana le taba ena.

Notes —

TOPOLLO LE PHOLOHO

Notes

C. Botho ba Adama oa Pele, le oa Bobeli.

1. Ho kenyeletsa tabeng ea bonneteng ba bophelo ba Adama, o boetse o lokela ho bonoa e le moemeli oa botho ka kakaretso.
 - a. Adama ke lentsoe la Segerike le bolelang “motho.”
 - b. Kahoo, selekane sa Adama, ke selekane le motho. Ha se ne se rojoa, se ile sa rojoa ke motho.
 - 1) Ha re utloisisa hore Molimo o entse selekane le motho empa motho o se robile, hoo ho tla etsa hore re utloisise tlhoko bakeng sa tefelo ea lefats’e lohle.
 - 2) Jesu, e le Adama oa Bobeli, o shoetse batho **bohle**. O shoetse bajuda ekasitana le balichaba (hlokomela ho re Paulosi ha a bitse Jesu Moshe oa bobeli).
 - 3) Jesu o shoetse batho bohle hobane batho bohle ke karolo ea molato oa ho roba selekane. O shoetse batho bohle hobane “bohle ba sitiloe, ‘me ha ba ts’oaneloe ke khanya ea Molimo” (Bar 3:23).
2. Joalokaha Luka a ile a latella tsoalo le moloko oa tlhaho ea Jesu ho ea fihla ho Adama (Luk 3:38), Paulosi le eena o ile a bona Adama le sebe sa hae se amang bohle, li amana le morero oa topollo.
 - a. Khaolo ea 2 ea Baefese e bonts’a thuto ea Paulosi ea topollo.
 - b. Bala Bae 2:1-3, 11, 12.
 - 1) Paulosi o bonts’a tlhoko ea balichaba ea topollo. (tem. 11, 12).
 - 2) O ile a boetse a bonts’a ka hloko, tlhoko ea Bajuda ea topollo (tem. 3).
 - a) Paulosi o ile a ruta hore “tlhoko e ts’oanang” e hloka “tharollo e ts’oanang.”
 - b) O bonts’itse kamoo Adama oa pele a ileng tlišetsa lefats’e lohle tlhoko ka teng, o bonts’a kamoo Adama oa bobeli a tlišetsang lefats’e lohle tharollo ka teng. Ho oa ha motho (boleng ba sebe) bo hloka topollo e kenyeletsang bohle.

TOPOLLO LE PHOLOHO

3. Ho Bajuda, ha Adama a ne a oela sebeng, bohle ba ile ba fetoha karolo ea sebe sa Adama. Hona ke hore, ho tloha hoo, motho o ne a tla ba le boleng ba sebe.
- a. Joalokaha Mopesalema a ile a bolela, re tsoaletsoe sebeng (Pes 51:5).
 - b. Joalokaha ha Paulosi a bolela, re na le semelo sa sebe (Bae 2:3).
 - c. O boetse o hlalositse haholoanyane ho Bar 5:12, 16. Hape, pholoho ea bohle (pholoho bakeng sa Bajuda le Balichaba) ke tlhoko ea bohlokoa-hloka kaha sebe le lefu ke lintho tse hlileng li leng teng.

Ntlha ea Puisano

Araba lipotso le maikutlo a ka hlahang mabapi le boleng ba sebe sa Adama se amang lefats'e lohle le topollo ea lefats'e lohle ka Krete.

D. Krete e le Motho ka Botlalo.

- 1. Na sebe le lefu e ne e le karolo ea morero oa Molimo oa mathomo bakeng sa motho (Bala Bar 1:18-25)?
 - a. Ho hlakile hore Bar 1:18-25 e susumelitsoe ke litaba tsa Gen 1-3.
 - 1) Ho tloha sethathong, motho o ne a etselitsoe ho sebeletsa 'Mopi.
 - 2) Kamor'a ho sebeletsa sebupuo, motho o ile a fetoha ho ka tlasana ho se neng se raliloe ho tloha sethathong.
 - b. Boela o bale Bar 1:23.
 - 1) Moelelo oa lentsoe "fetotse"?
 - 2) Moelelo oa phapano e pakeng tsa "ea sa shoeng" le "ea shoang."

Notes

—

TOPOLLO LE PHOLOHO

Notes

- c. Ho ka ba le maikutlo a fapaneng tabeng ea hore, mathomong Adama o ne a na le monyetla oa ho phela kahosafeleng.
 - 1) Kannete-nete, sefate sa bophelo se ne se fela se le teng serapeng sa Edene, 'me e ne e le se seng sa lifate tseo Adama a neng a lokotsoe ho li sebelisa (Gen 2:9, 16).
 - 2) Haeba Adama a ne a ke ke a khona ho phela kamehla, hoo ke hore ho thibelo ha Adama ho se sebelisa, e ne e ke ke ea ba kahlolo ea 'nete/e utloahalang. Empa Molimo o ile a sebelisa lefu e le kahlolo ea 'nete (bala Gen 2:17).
- 2. Adama oa pele e ka be e ile ea ba ntho e ngoe e fapaneng le seo a ileng a fetohela ho ba sona. Boleng le moelelo oa topollo ke hore Adama oa bobeli o hlotse moo Adama oa pele a ileng a fosa teng.
 - a. Jesu Krete, 'moelanyi le 'muelli ea phethehileng, e bile "letsibolo/tholoana tsa pele" (sheba 1Bakr 15:20). ("tholana tsa pele, temong, ke tlhahiso e ncha, ea pele ea peo. Ke ts'episo e thabisang e supang hore tlhahiso le litholoana tse ling li a tla.)
 - b. A ko thuse polelo ena: **kamor'a ho oela sebeng, Adama o ile a lahlehela ke boleng ba sethatho ba tlholeho, empa Krete o jere boleng ba sethatho ba tlholeho.**
 - 1) Chalimong ea Molimo ea bosafeleng; botho ba Krete bo tla pele ho botho ba Adama ka hore, morero oa Molimo ka motho, o hlotsoe pele motho a oela.
 - a) Hantle-ntle, Adama, ea hlahang e le oa pele, ka kotloloho, ke eena oa bobeli.
 - b) Krete, ea hlahang e le oa bobeli, ka kotloloho ke eena oa pele.
 - 2) Baithuti ba bangata ba Bibe, ba re 'Adama' o lokela ho tolokoa e le "motho" eo ho seng motho e mong a ka mofetang, kapa a mofetola. Ka bomalimabe, o ile a lahlehela ke boleng ba 'nete ba seo motho a se bopetsoeng.
 - 3) Ho Johan 19:5, Pilato o itse: "Motho oa lona ke eo". Ka lehlohonolo, Jesu e ne e le "motho ea bolokileng boleng ba mathomo ba popeho ea botho ka botlalo. Ha Adama oa pele a ile a lahla le ho fosa seo a neng a se bopetsoe, Krete, Adama oa bobeli, o ile a phethahatsa morero oa Molimo ka botlalo (Esa 53:11, 12).

TOPOLLO LE PHOLOHO

3. Ho bohlokoa ho utloisisa hore boemo ba mathomo le morero oa mantlha oa Adama(motho), o phethahalitsoe bophelong ba Jesu.
- a. Kutloisiso ena e re thusa ho elelloa tefo e kholo eo Jesu a e lefileng sefapanong.
- 1) Boikarabellong ba hae e le Adama oa Bobeli, Krete o ne a na le bokhoni ba ho se shoe. Ke sebe se isang lefung (Bar 6:23), 'me Krete o ne a se na sebe (Bah 4:15). O ne a sa lokela ho shoa.
 - 2) O ikhethetse ho shoa.
 - 3) Re ka **utloa** boleng le moelelo oa lefu lena la boikhethelo.
 - a) Boleng ba lerato le se nang moeli leo Molimo a ratang 'mopo oa Hae ka Lona.
 - b) Boleng ba tefelo ea libe, le taba ea Jesu Krete e le moreshoeli.
- b. Kutloisiso ena e re thusa hape ho elelloa bohale le boholo ba Molimo morerong oa topollo.

Maikutlo a Sengoli:

Jesu o fihletse phethahatso ea litebello le litlhoko tsohle tsa botho ka botlalo joaloka ha Adama a ne a reretsoe hona, o entse tsohle ka ho fetisisa. O boetse o phethahalitse litebello tsohle tsa Bomolimo. E ne e le motho ka botlalo, ebile e le Molimo ka botlalo, limelo tsena ka bobeli li ne li hokahantsoe hammoho, empa ho eena a le mong. Sephiri sena sea ketekoa kahar'a kereke, hape, se etsa tlhalohanyo e kholo pakeng tsa kereke le litumelo tsa bokhelohi, hona ho thata ho utloisiseha litumelong lisele. Ha ho tumelo e fe kapa e fe ea bohata e buang joanna.

Notes —

TOPOLLO LE PHOLOHO

Notes

- 1) Jesu, ea hlakileng e le Adama oa **Bobeli**, ha a hlaha a na le semelo sa sebe/bobe. Ha a hlaha e le e mong oa batho **feela**.
 - a) Kahoo, o ile a phetha le ho ntlafatsa boleng ba botho, e seng ho bo senya.
 - b) Kahoo, Bar 8:3 e re o rometsoe ka botho bo **ts'oanang** le ba baetsalibe.
 - c) O rometsoe ka ho "ts'oana" ("omoi" ka Segerike), ha a romeloa ka "boleng boo hantle" ("omo" ka Segerike). Phapano e fumanoang Segerikeng ke kekeletso e le ngoe ea "iota" feela.
- 2) Bohlokoa ba hona ke hore, bohlale le bohlo ba Molimo topollong, ke hore ha bo senye seo botho bo fetohetseng ho sona, empa bo phethisisa seo motho a neng a lokela ho ba sona.
 - a) Topollo e buseletsa seo motho a ileng a lahlehelo ke sona. Ha e etsolle seo motho a se entseng.
 - b) Topollo ke keketso ho feta ho tlosa. E eketsa (ka ho buseletsa) se neng se lokela ho ba teng pele ho sa tlosoe letho (ho fihlela Morena a khutla a bopa lefats'e le maholimo bocha) le tlileng hamorao.
 - (1) Kahoo, motho ea lopolotsoeng, o ntse a ka phela lefats'eng le senyehileng.
 - (2) Re ka khona ho itsebela topollo maphelong a rona leha re ntse re tobana le litla-morao tsa liketso tsa rona tsa khale.
 - (3) Paulosi o bua ka bonnete ba limelo tse peli (Bala Bag 5:17 le Bar 7:14-20).

TOPOLLO LE PHOLOHO

E. Krete a Lekuoeng Kahohle Empa a se na Sebe.

Notes —

1. Jesu ha a romeloa “ka boleng ba nama/botho ba sebe” hobane ha a tsoaloe ke motho, empa o tsoetsoe ke Moea o Halalelang.
2. Eena, joaloka, Adama, o tsoetsoe a se na sebe.
3. Bo-Adama ba babeli, ke bona feela ba neng ba na le bokhoni ba ho supa le ho etapele bophelo bo phethehileng.
 - a. Moo Adama a hlotsoeng, Jesu o atlehile.
 - b. Ena ke eona tsela ea ho hlalosa se etsahetseng bakeng sa hore topollo e be ‘nete.
4. Leha ho le joalo, Jesu, joaloka Adama, o ile a lekoa.
 - a. Liteko tsena e ne e le tsa ‘nete. Jesu ha a ka li feta ha bonolo fela. O ile a loana le tsona ka matla.
 - 1) Ho latela Bah 5:7, 8, Jesu o ile a kopana le mats’oenyeho ho ithuta mamelo. O ile a ts’oengoa kae? O ile a ts’oengoa ke liteko tsa nama ea hae (tem. 7).
 - 2) Topollo e na le tefo e boima. Tefo ena ha ea etsoa sefapanong feela, empa e entsoe ka bophelo bohle ba Jesu ha a ntse a itokisetse sefapano.
 - 3) O ile a ithuta mamelo (o ile a hlola teko) ka mats’oenyeho a kopaneng le oona.
 - 4) Ka matsatsi ao a phetseng nameng ka oona(nakong ea ho lekoa ha hae), o ile hlahisa likopo ka meokho ho Molimo.
 - a) Ho buseletsa moelelo oa popo ea botho, empa ho sa tlosoe se sentsoeng ka botlalo, ho ile ha tsoala mats’oenyeho bakeng sa Jesu. Hona ke ‘nete le kajeno bakeng sa rona, ha Molimo a ntse a sebetsana le topollo ka ho rona.

TOPOLLO LE PHOLOHO

Notes

Ntlha ea Puisano

Boela o shebe ntlha ea topollo e le keketso e seng ho tlosa. Sheba hore na e re ama joang.

- b) Ho thusa ho araba potso ena, sheba bonnete ba 2 Tim 3:12. Re lokela ho hopola hore ka topollo ea rona, re entsoe bafeti(lefats'e lena ha se lehae la rona). Re libupua tse ncha (ba loants'anang le motho oa khale a ka ho rona), tse phelang lefats'eng le tletseng ka libupua tsa khale. Ke boleng ba tlholeho e nepahetseng e khahlanong le tlholeho e silafetseng. Boleng ba mantlha ba qaleho khahlanong le boleng bo khelohileng. Joalokaha ho ile ha etsahala ho Jesu, ketsahalo ena e hlalisa mats'oenyeho (Johan 15:20).
- c) Kahoo, taba ea 'nete ke hore (taba ea hore Bagalata 2:20 ke 'nete), mats'oenyeho a topollo a tsoelapele hobane ntoa ea boleng ba 'nete ba tlholeho e tsoellapele khahlanong le boleng boo (Bak 1:24; Bag 6:17).
- b. Liteko li ne li hlasela Jesu ka matla hoo Bibe le e bileng e re bolellang hore, o khona ho re utloela mefokolong ea rona (Bah 4:15).
- c. Liteko li ka beoa ka mekhahlelo e meraro e akaretsang (Bala 1 Johan 2:16).
 - 1) Takatso ea nama.
 - 2) Takatso ea mahlo.
 - 3) Bophelo bo tletseng ka boikhohomoso.
 - a) Eva o fetile mekhahlelong ena eohle serapeng sa Edene (Gen 3:6).
 - (1) Takatso ea nama: "Sefate seo se ka jeoa."
 - (2) Takatso ea mahlo: "Se bile se khahla mahlo."
 - (3) Bophelo bo tletseng boikhohomoso: "ebile sea lakatseha, hobane se hlalefisa motho."

TOPOLLO LE PHOLOHO

b) Jesu o fetile maemong ana lefelleng (Math 4:1-11).

- (1) Takatso ea nama: “e re majoe ana a fetohe bohobe” (tem. 3).
- (2) Takatso ea mahlo: “a ‘monts’a mebuso eohle ea lefats’e le maruo eona” (tem. 8).
- (3) Boikhohomoso: “itihele” (ho bonts’a hore o khethehile ha kae: tem. 6).

Notes —

Maikutlo a Sengoli:

Re lokela re bonts’e hore Luka (4:1-13) o fetola tatellano ea liteko tsena ka ho fapana le Matheu. Phetoho ena e etsa hore tatellano ea liteko tsa Jesu e ts’oane le tatellano ea liteko tse ho 1 Johan 2:16 le Gen 3.6.

Hona ha ho makatse. Evangeli ea Luka, e boetse e fapane le ea Matheu ka hore, lethathamo la tlhaho ea Kreste ho Luka, le theoha ho ea fihla ho Adama, ha Matheu eena a qala fela ka Abrahama.

Hopola, Evangeli ea Luka, ke “evangeli ea lefats’e lohle”. E reretsoe ho ho fihlella batho ba mefuta eohle. E buoa haholo ka topollo ea lefats’e lohle. E bonts’a hore, bakeng sa hore Adama oa bobeli a lopoolle lefats’e, o ile a lokela ho feta liteko tsohle tseo Adama oa pele a fetileng ho tsona. Kannete hona ke karolo ea bohlokoa-hlokoa ea topollo.

- d. Ho fihlela Jesu a hlola liteko tsohle tseo a kopaneng le tsona (hlokomela ntoa e ho Luka 22:44), ho hloka sebe ha hae ho ne ho tla ts’oana feela le ho hloka sebe ha Adama pele a oela le ho hloloa ke moleko.

TOPOLLO LE PHOLOHO

Notes

- e. Litaba tse monate, tse bileng li tla lula li le joalo ke hore, Jesu Krete eena o hlotse teko eohle.
- 1) Ho hloka Sebe ha Jesu, ho ile ha netefatsoa e le ho hloka sebe ka botlalo. hona ho ne ho le bohlokoa haholo bakeng sa ho akofisa topollo.
 - 2) Krete o ile a fihlela hona ka bo-eena. Tlholo ea hae holima teko, e tlile ka mats'oenyeho ao 'ona a ileng a hlahisa kutlo e phethehileng.

Ntlha ea Puisano

Re lokela kamehla re behe thuto ea rona ts'ebetsong. Re le baetapele ba kereke, ke liteko tsa mofuta o fe tseo re kopanang le tsona hangata? Na u fumana matla le khothalo tabeng ea hore Jesu o hlotse liteko tsa mofuta oona oo? Na u oa lemoha hore ka Krete a ka ho rona, le rona re ka itsebela tlholo? Nkang nako ea ho rapellana ho fumana tlholo holima lintho tsena.

F. Mofuta/Mokhoa oa Topollo: Krete ea Tsohileng o fapane le Adama ea Oeleng Molekong.

1. Kutlo e fapane le ho se utloe.
 - a. Bala Bar 5:19.
 - 1) Adama oa Pele o ile a oela. O ile a hloka kutlo.
 - 2) Adama oa Bobeli o ile a tsoha. O ne a na le kutlo.
 - b. Hopola, kutlo ena e tlile ka boithuto, 'me ea netefatsoa ka teko.
 - 1) Boleng ba hae ba Bomolimo, ha bo ka ba ba sireletsa le ho thibela boleng ba Hae ba botho ho kopana le lintho tseo batho ba hlileng ba kopanang le tsona.
 - 2) Boits'oaro bo ile ba hola bolenng ba hae ba botho.

TOPOLLO LE PHOLOHO

c. Boela o shebe Bah 5:8.

- 1) Topollo e amana le lehlakore la botho la Krete.
- 2) Ke mabapi le kutlo e tlileng ka baka la boithuto bo hlahisitsoeng ke ho kopana le mats'oenyeho, sengoli sa Baheberu se reng “ha a se a entsoe ea phethehileng, e bile mohloli oa pholoho e sa feleng ho bohle ba momamelang.”

2. Boikhohomoso bo ile ba fapana le boikokobetso.

a. Bala Gen 3:5 le Baf 2:6.

- 1) Adama oa pele o ile a oela. O ne a batla ho ba joaloka Molimo. Adama ke motho ea neng a batla ho iphahamisa hore a ts'oane le Molimo.
- 2) Adama oa Bobeli o ile a phahama. Ha a ka ba nahana hore ho lekana le Molimo ke ntho eo lokelang ho shebana le eona.
- 3) Jesu ke Molimo, ‘me Molimo o ne a rata ho itheola boemong ba Hae hore a be joaloka motho. Ka tsela e ts'oanang, Molimo o bonts'itse lerato la hae le leholo le bohlokoa ba motho hoo a bileng fetoha motho—Kreste—bakeng sa topollo ea motho.

b. Topollo e tlile ha Krete a fetola boikhohomoso ba botho, bo ileng ba etsa hore motho a Oele sebeng, bakeng sa boikokobetso ba Molimo, bo ileng ba etsa hore a phahamisoe.

Ntlha ea Puisano

Haeba topollo ea rona e tlile ka kutlo le boikokobetso, ke hobaneng re lumellang ho se utloe le boikhohomoso maphelong a rona? buisanang ka bothata le litlahiso tse ka tlisang litharollo.

Notes

—

TOPOLLO LE PHOLOHO

Notes

G. Litholoana tsa Topollo: Puseletso, Tiholo le Phetiso.

1. Re buseletsoa se neng se lahlehile.
 - a. Re boetse re fumana le ho buseletsoa kamano le Molimo.
 - 1) Pitso e kholo ka ho fetisisa ea motho ke ho tseba Molimo. motho o ne a reretsoe ho fumana pono bophelong ba hae ka kamano le Molimo.
 - 2) Leha ho le joalo, ha Adama a ne a oela sebeng, o ile a etsa lerako le leholo pakeng tsa motho le Molimo.
 - a) Adama oa pele o ile a etsa lerako. Adama oa Bobeli o ile a le choatlela ruri.
 - b) Jesu o senola Molimo ho batho. O ile a heletsa lerako leo Adama a ileng a le haha. Kajeno ke eena ea emeng ho kopanya batho le Molimo.
 - c) Ha re bua ka topollo, re elelloa hore Krete e bile moemeli ea phethehileng bakeng sa hore morero o phahameng oa Molimo bakeng sa motho o phethahale.
 - b. Ho buseletsoa khanya.
 - 1) Boleng ba motho bo holimo-limo, ke hore motho o entsoe ka sets'oano le Molimo. hona ho kenyeletsa le khanya ea mofuta o itseng eo motho a neng a na le eona (2 Bakr 3:18 le Bar 5:2).
 - 2) Adama o ile a lahlehelo a ke khanya. O ile a lahleha, a its'elafatsa.
 - 3) Bala Bar 3:23.
 - a) Polelo “ha re ts’oaneloe ke” e tsoa lentsoeng la Segerike “usterontai”. Lentsoe lena le ka tolokoa e le “ho se khone ho fihlela” kapa “ho lahleloa.”
 - b) Khanya eo motho a kileng a ba le eona, e ile ea **lahleha** nakong eo motho a oelang sebeng.
 - c) Khanya ena e buselelitsoe ka Krete ha re ntse re “fetoleloa sets’oants’ong se le seng le eena ka khanya e isang khanyeng” (2 Bakr 3:18).

TOPOLLO LE PHOLOHO

2. ho hlola ea ileng a hapa tlhola pele.

a. Kaha Adama o ile a “lahlehelo” ke khanya ea hae ka baka la Satane serapeng, Adama oa Bobeli o ile a “hlola” satane, lefu le sebe li ile tsa thakhisoa sefapanong, kahoo a nchafatsa khanya ea motho ka ho sa feleng, le thabo ea Ntate.

b. Adama oa Bobeli o tlike e le motsoseletsi, ebile e le mohloli.

1) Sefapanong, Jesu o ile a hlola Satane, lefu, le lebitla. O ile a busetsa motho sebakeng se mots’oanetseng “Kaholim’a bohlo bohle, le puso eohle, le matla oohle, le borena bohle, le mabitso oohle a ka bitsoang” (Bae 1:21).

2) Motho e ba karolo ea tlhola ena ka hore “... o re tsositse hammoho, oa ba oa re lulisa hammoho maholimong, ho Jesu Krete” (Bae 2:6).

c. Ha Jesu a ne a hlola satane sefapanong, o ile a hlola lefu.

1) Lefu le ne le le sieo morerong oa pele oa botho (Gen 2:17).

2) Ka tsoho, Adama oa Bobeli o hlotse lefu (Rom 6:9).

3) Ka Adama oa Bobeli, lefu le feliselitsoe ruri (1 Bakr 15:26).
Re lopolotsoe lefung (Bah 2:14, 15).

3. Ho fetisa Adama oa pele ka bophetheho le bophethahatsi. Adama oa Bobeli o fetisa Adama oa pele ka ho phetha merero oa Molimo ka motho.

Notes

—

TOPOLLO LE PHOLOHO

Notes

Ntlha ea Puisano

Sheba sets'oants'o sena, e be o akofisa puisano mabapi le Adama oa pele le oa Bobeli.

ADAMA OA PELE	ADAMA OA BOBELI	MANGOLO
ba bangata ba ile ba fetoha baetsalibe	ba bangata ba tla lokafatsoa	Bar 5:19
re ahloleloa lefu	re ba le bophelo bo sa feleng	Bar 5:12,21 1 Bakr 15:26
re nka karolo ho oeng ha hae	re libupua tse ncha	Gen 5:3 2 Bakr 5:17
re fumana kotlo e sa feleng, ha ho phomolo	re lokolotsoe ka baka la phomolo e sa feleng e fumanoang ho Eena	Bakr 4:1-3 Bag 5:1
rea tsuo, rea ahloloa	re fuoa tokafatso le bophelo	Bar 6:18

H. Boholo le bokhabane ba Krete bo fetisang Adama.

1. Ke 'nete hore motho ea lopolotsoeng o na le limelo tse peli hajoale. Li ea loants'ana. Leha ho le joalo, ho bohlokoa hore re lemohe hore Paulosi ha a bue ka tsona e le limelo tse lekanang.
 - a. Matla a hlalileng ho phetheheng ha Adama oa Bobeli, a phahametse matla a hlalisoang ke liketso tsa Adama oa pele.
 - b. Matla a mohau a feta matla a sebe (Bar 5:20).
 - c. Kamano ea Adama oa Bobeli le ea Adama oa pele li ea hokahana.

TOPOLLO LE PHOLOHO

Adama oa Bobeli “o fetisa haholo tsohle” (Bar 5:9, 10, 15, 17, 20).

- 1) Ho Bar 5:12-21 Paulosi o fane ka sets’oants’o sa Krete e le “**eena**” ea phahametseng e **mong** (Adama).
 - 2) Tsela e ngoe feela eo Bo-Adama bana ba amanang ka eona, ke hore, Adama oa Bobeli o fetisa Adama oa pele ka botlalo.
 - 3) Paulosi ha a ka a shebana le Adama bakeng sa ho bona kamoo a hokahanang le Krete ka teng. O tsepamisa maikutlo haholo ho Krete ho bonts’a kamoo a hokahanang le Adama ka teng.
2. Molimo o fumana motho. Ha se motho ea fumanang Molimo (Johan 15:16; Luk 15:1-7; Bar 10:6, 7).
- a. Mohau oa Molimo o hlola sebe sa motho ka ho fetisisa.
 - b. Ka litsela tsohle, re na le lintho tse kholohali ho Adama oa Bobeli ho feta Adama oa pele.

Ntlha ea Puisano

Sebelisa sets’oants’o sena ho thusa ho hlalosa le ho bua kamoo rona re le balumeli re nang le tsohle ho Krete ho feta ho Adama oa pele.

ADAMA OA PELE	ADAMA OA BOBELI	MANGOLO
O entsoe ka sets’oano le Molimo, ka sebopeho sa Molimo	Ke ponts’o ea Molimo le khanya ea hae ka botlalo, ebile ke sesupo sa Molimo ka Bo-Eena	Gen 1:26 Bah 1:3
O amohetse bophelo ho tsoa ho Molimo ea bululetseng linkong tsa hae	Ebile Moea o fanang ka bophelo	Gen 2:7 1 Bakr 15:45
O tsoa lefats’eng	O tsoa Leholimong/Maholimong	1 Bakr 15:47

Notes

TOPOLLO LE PHOLOHO

Notes

I. Krete: Hlooho ea Moloko o Lopolotsoeng.

1. Krete ke hlooho ea “motho ea mocha”, ha Adama e le hlooho ea motho oa khale.
 - a. Polelo ena e lokela ho utloisisoa mabapi le kutloisiso ea hore ha ho moloko o oeleng (Adama) ‘me ho teng ke moloko o mocha ka botlalo.
 - b. Krete ha se Adama e mocha. Ke Adama oa Bobeli. Hoo ke hore, ke Adama oa Sebele, oa ‘nete.
 - 1) Kahoo, re buoa ka motho oa khale ea oeleng, le motho e mocha ea lopolotsoeng/pholositsoeng (ea buselelitsoeng bolenng ba pele).
 - 2) Krete ke ponts’o ea moloko o mocha, empa ka ho fetisisa, ke hlooho ea moloko o phethehileng. O ts’oana le Adama oa Sebele, Adama pele a oela sebeng, empa ke hoo ka baka la tlholo ea hae. Hona ke topollo kapa pholoho.
2. Tumelo-bothong e ferekanya seo botho bo leng sona.
 - a. Motho ea lumelang bothong, o shebana le Adama a ‘nots’i. O batla tsa botho, motho ea joalo o lumela hore o hantle ebile ha a hloke topollo. Empa seo e leng ‘nete ke hore, motho ea joalo o rata ntho e senyehileng, e oeleng, e silafetseng.
 - 1) Adama oa pele ke molimo oa hae.
 - 2) Kahoo, o shoa le Adama oa pele (bala Bar6:23).
 - b. Mokreste o sheba ho Adama oa Bobeli. O batla hoo e hlileng e leng botho ho ea kamoo Molimo a neng a rerile, o etsoa ea mocha ke Moea oa bophelo o ho Krete.
 - 1) Adama oa Bobeli ke Molimo oa Hae.
 - 2) Kahoo o tsosoa le Jesu(1 Bakr 15:2, 20, 23).

TOPOLLO LE PHOLOHO

J. Qetello.

1. Tlhahong ea rona ea nama, re ba le boitsebelo ba Adama oa Pele. Ho pholoso a ke ho tsoaloa la bobeli. Ke ho ba le boitsebelo ba Adama oa Bobeli. Kaha re na le mefuta e ‘meli ea tsoalo, re na le limelo tse peli. Limelo tsena tse peli li na le ntoa e sa feleng. Empa re ka ithabela tlholong ea Adama oa Bobeli bokhabaneng ba hae bo fetisang Adama oa pele, le ho “nchafaleng” ha rona holima motho oa “khale”.
2. Adama o feitse, o hlotsoe, Krete o hlotse, o atlehile. Tsela eo re lumellang boleng ba Krete ho tsamaisa maphelo a rona, ke tsela eo re tla atleha ka eona. **Hallelujah!**

Notes

—

TOPOLLO LE PHOLOHO

Notes

—